

KRITERIJI ZA UPIS

- Opći uspjeh u VI, VII, VIII i IX razredu osnovne škole
- Uspjeh iz predmeta posebno značajnih za gimnaziju (*Bosanski jezik i književnost, Hrvatski jezik i književnost, Srpski jezik i književnost, Matematika i prvi strani jezik*)
- Rezultat postignut na ispitima eksterne mature
- Rezultati postignuti na kantonalnim takmičenjima, takmičenjima na nivou entiteta u Bosni i Hercegovini, takmičenjima na nivou države Bosne i Hercegovine i na međunarodnim takmičenjima iz predmeta: matematika, fizika, informatika, prvi strani jezik, geografija i tjelesni i zdravstveni odgoj-individualni sportovi.

Minimalni broj bodova za upis u našu školu je 78.



JU GIMNAZIJA DOBRINJA



Senada Poturka Senčija bb



033 464 284 ili 033 454 553



gdobrinja@gdobrinja.edu.ba



<http://gdobrinja.edu.ba/>



YouTube

O NAMA...

JU Gimnazija Dobrinja svoj početak doživljava u najdramatičnijim trenucima historije BiH. U najvećem sarajevskom naselju Dobrinja, koje je u toku čitavog rata bilo u neprijateljskom okruženju, godine 1993. počinje s radom jedina sarajevska škola koja je nastala u ratu.

Ko poznaje Dobrinju, zna da je to najveće sarajevsko naselje, što se, poput poluotoka, cestom vezuje za grad te predstavlja, u neku ruku, njegov izdvojeni dio. Ta cesta bila je upravo meta agresorskog djelovanja pa su Dobrinjci, silom prilika, morali sami organizovati život u kojem je svako zavisio od svakoga i u kojem su ljudi, kao nikad, bili upućivani jedni na druge.

Gimnazija Dobrinja bila je, tih godina, centar duhovnog i intelektualnog života te se danas može često čuti kako su Ratna bolnica i Gimnazija Dobrinja najveći pokloni što ih je Dobrinja dobila u ratu.

JU Gimnazija Dobrinja ima prošlost zabilježenu i u bezbrojnim pričama njezinih učenika, profesora i roditelja. Zajedničko je svim pripovjedačima da je upravo u njihovo vrijeme JU Gimnazija Dobrinja bila najbolja i jedina, a najljepše da su im riječi pune ljubavi i osjećaja pripadnosti.

JU Gimnazija Dobrinja je trajna poveznica, tema razgovora i sjećanja na prijateljstva, ljubavi, velike životne odluke nas koji u njoj radimo, vas koji je pohađate, vaših roditelja koji su u nju išli i vas koji ćete tek ući kroz čarobna vrata stvaranja novog, ljepšeg, dragocjenijeg i neponovljivog iskustva.

Riječ obrazovanje povezana je s riječju obraz, a obraz je ono što nas određuje, po čemu se razlikujemo, što pokazujemo svijetu i po čemu želimo da nas poznaju. U JU Gimnazija Dobrinja su obrazovane generacije učenika koje su svoj obraz ponijele u svijet. Ipak, riječ obraz ponajprije označava vrijednosti koje negujemo i zapisujemo u ljudsko srce, a ne one koje učimo i zapisujemo u ljudski um. Veličina je naše škole upravo u nastojanju da se odgoj i obrazovanje stope u obrazima učenika kako bi ponosno i vedro išli svojim gradom, zemljom, svijetom.

Dobrodošli ste u svijet JU Gimnazija Dobrinja.

ZAŠTO NAS ODABRATI?

Ukoliko želite poticati svoju intelektualnu širinu, istraživačku radoznalost i potrebu za novim spoznajama, naučni pristup rješavanju problema koji će vam omogućiti nastavak školovanja na fakultetima, JU Gimnazija Dobrinja je pravi odabir.

Učenici i roditelji biraju JU Gimnaziju Dobrinja jer smo kroz 26 godina iskustva razvili vlastitu metodu rada koja omogućava vrhunsko obrazovanje u sredini koja je ugodna i poticajna učenicima, profesorima i roditeljima.

NUDIMO...

- 🎓 znanje, pažnju, prijateljstvo
- 🎓 sigurno i zdravo okruženje
- 🎓 izuzetno kvalificiran i kvalitetan nastavni kadar
- 🎓 smješteni smo u savremenoj zgradi
- 🎓 sve naše učionice su informatički opremljene

- 🎓 imamo specijalizovane kabinete i moderno opremljenu sportsku salu
- 🎓 biblioteku
- 🎓 prostorije za rad i relaksaciju
- 🎓 školski amfiteatar
- 🎓 školsku kuhinju
- 🎓 lift

NAŠE AKTIVNOSTI...

- 🎓 Projekti
- 🎓 Stručne ekskurzije
- 🎓 Studijske posjete
- 🎓 Terenska nastava
- 🎓 Razmjena učenika
- 🎓 Posjete muzejima
- 🎓 Posjete pozorištima
- 🎓 Mnogobrojne vannastavne aktivnosti
- 🎓 Saradnja s domaćim i međunarodnim institucijama
- 🎓 Učestvovanje u svakodnevnim aktivnostima na nivou grada

IZBORNA PODRUČJA

Pri upisu možete odabrati:

- 🎓 Opću gimnaziju
- 🎓 Društveno područje
- 🎓 Jezičko područje
- 🎓 Prirodno područje
- 🎓 Matematičko-informatičko područje